

ALUSILO IQINISO UDABA LWASE MASIBUMBANE HIGH SCHOOL

Mhleli, sithanda ukuphawula odabeni olashicilelwa yi Langa mhla zingama 31 August 2017, olalenesihloko esithi, “Uncishwe ukudla washona umfundi.” Siqala ukubona loludaba siwuMnyango weZemfundo saba nokungabaza ngobuqiniso balo kodwa saba nokukhathazeka okukhulu. Imibuzo esazibuza yona mibili. Owokuqala ukuthi ingabe wayesehlale isikhathi esingakanani lomfundi engadli ukuthi kuze kuthiwe uselambe waze wabulawa yindlala? Saphinda sazibuza ukuthi Ilanga ngabe lisebenzise buphi ubuchwepheshe (post-mortem) ukuze liqinisekise lize lishicilele ukuthi umfundi ubalawe yindlala?

NjengoMnyango okhathalele inhlalakahle yabafundi sabe sesilusukumela loludaba, siphatheke kabi, sifuna izimpendulo. Sabe sesixhumana nesiFunda sase Zululand ukuze sithole ingqikithi yaloludaba. Thina senza okwehlukile kunephephandaba Ilanga, safuna ukusebenzisa I post mortem njengesisekelo sombiko wethu. I post mortem yathola okwehlukile kunalokhu “okwatholwa” yiphephandaba Ilanga. Sikhuluma nje umama wontwana okunguye owatshela Ilanga ukuthi umntwana wabulawa yindlala unayo imiphumela ye post mortem yomntwana. I Post mortem isho okuhluka kakhulu kulokhu okwashicilelwa Ilanga futhi esikubona njengokuthunaza futhi kudicilele phansi isithunzi soMnyango nokwenza uMnyango ubukeke kabi emphakathini.

Kuleliqophelo sinxusa Ilanga ukuthi likhulume nomama wontwana ukuthi abanike okushiwo yi post mortem. Yilapho kuzotholakala khona iqiniso ukuthi yini ngempela eyaholela ekudluleni komntwana. Yilapho kuzocaca khona ukuthi yisiphi isimo umntwana ayebhekene naso nanokuthi yiliphi iphutha elenzeka elaholela ekudluleni komntwana.

Ngokuzayo singajabula uma Ilanga lingayiqinisekisa into elibika ngayo ngaphambi kokuthi lishicilele into ezokwenza umonakalalo kuMnyango kahulumeni.

ITHUNYELWE EZOKUXHUMANA EMNYANGWENI WEZEMFUNDO KWAZULU-NATALI